



ПРИКЛАДНІК ЗА ШКОЛЯРА

Република Србија
МИНИСТЕРСТВО ПРОСВИТИ
ЗАВОД ЗА ВРЕДНОВАЊЕ КВАЛИТЕТУ
ОБРАЗОВАЊА И ВОСПИТАЊА

ЗАКОНЧУЮЋИ ИСПИТ НА КОНЦУ ОСНОВНОГООБРАЗОВАЊА И ВОСПИТАЊА

ТЕСТ

РУСКИ ЯЗИК И КЊИЖОВНОСЦ

ИДЕНТИФИКАЦИЈНИ ФОРМУЛАР

МЕНО, МЕНО ЄДНОГО РОДИТЕЛЯ/ДРУГОГО ЗАКОНСКОГО ЗАСТУПЊИКА, ПРЕЗВИСКО ШКОЛЯРА

ИДЕНТИФИКАЦИЈНЕ ЧИСЛО ШКОЛЯРА

--	--	--	--	--	--	--	--	--	--

ОСНОВНА ШКОЛА
МЕСТО
ОПШТИНА

ПОДПИС ДЕЖУРНОГО НАСТАВЊИКА

Резултати мож опатриц на порталу **Моја средња школа**: <https://mojasrednjaskola.gov.rs>. з уношеньом єдинственого идентификаційного числа школяра (дзешецифрова шифра школяра). За преберане скенираного тесту у пдф формату, у часци дзе доступни резултати закончуючого испиту, необхідно унесц єдинствену шифру тесту.

Єдинствена шифра тесту:

Кед родитель / други законски заступњик ма налог на порталу **Мој есДневник** або ма налог на **Порталу за електронску идентификацију eID.gov.rs** зоз хторим приступа на портал **Мој есДневник**, теди, окрем увиду до резултатох закончуючого испиту, на порталу **Моја средња школа** може вихасновац и даєдну зоз шлїдуючих електронских услугох: подношене пригварки на резултати закончуючого испиту, подношене електронскей лістини жаданьох и подношене електронскей прияви за упис до стредней школи.

УПУТСТВО ЗА РОБОТУ

- Тест ма **20** задатки, хтори треба ришиц за **120** минути.
- Пиш читко, з кирилскимa буквами, водзаци рахунку же би твое одвити були розумліви, але и граматично и правописно исправни.
- Кед ришуеш задатки у хторих ше од це обчекуе же биш дацо дописал, вше хаснуй полни назви; скрацєня не дошлебодзени (напр. треба писац *меновник*, а не *мен.*, або *локатив*, а не *лок.* и подобне).
- Пополні тест з **белавим хемийним клайбасом** (у работи можеш хасновац графитни клайбас и гумку).
- Одвит хтори написани лем з графитним, чарним хемийним або „пиш-сцерай“ клайбасом не будзе припознати.
- У задаткох з понукнутима одвитами не буду припознати преправяни одвити.
- У задаткох з понукнутима одвитами, у хторих лем еден одвит точни, доставаш 0 боди кед коло точного одвиту означиш и даєден неточни.
- Обрац увагу же ше задатки розликую по способе на яки маш дац одвит.
- Не уписуй ніч на QR коди () хтори ше находза на каждам боку тесту.

У даєдних задаткох вибереш точни одвит так же офарбиш одвитуєци круцок. У задаткох дзе ест вецей точни одвити треба офарбиц вецей круцки. Водз рахунку же круцок муши буц офарбени, бо ци лем так одвит будзе припознати.

ПРИКЛАД ОФАРБЕНИХ КРУЦКОХ	
У задатку з єдним точним одвитом	
Хтори главни город Републики Сербії? Офарб круцок опрез точного одвиту.	
	<input type="radio"/> Нови Сад <input checked="" type="radio"/> Београд <input type="radio"/> Ниш <input type="radio"/> Крушевац
У задатку з вецей точнима одвитами	
Офарб круцки опрез виразох чий собир 5.	
	<input checked="" type="radio"/> 2 + 3 <input type="radio"/> 1 + 2 <input checked="" type="radio"/> 4 + 1 <input type="radio"/> 2 + 4 <input type="radio"/> 3 + 5

- Кед закончиш скорей, придай тест и поцихи видз.

Жичиме ци вельо успиху на испиту!



ТЕСТ РУСКИ ЈАЗИК И КЊИЖОВНОСЦ

1. Пречитай дати виривок зоз тексту и одредз зоз хторим функционалним стилем є написани.

Попод мост Мирабо чече Сена
И нашо любви
Чи то уж памятка прежалена
Радосц вше з больом преплещена

Офарб кружок опрез точного одвиту.
Тот текст написани зоз:

- науковим стилем
- новинарско-публицистичним стилем
- уметніцким, литературним стилем
- фаховим стилем

2. Рушел ши писац имейл наставніци биології и наставніци географії але ши не сигурни чи заменовнік **ви** з хторим сцеш меновац обидва наставніци треба написац з вельку чи з малу букву. Одвит можеш пренайсц у *Правопису руского языка*.

Пречитай дате правило зоз *Правопису руского языка* и одвитуј на питанє.

5.11. Указованє почитованя и чесци

5.11.1. З вельку букву пишу ше:

- а) заменовніки *Ви* и *Ваш/Ваша/Вашо* кед ше хасную як слова почитованя у діловним и приватним дописованю, гоч ше и одноша на поединца (*Прилажюеме Вашо понукнуце и предкладаме Вам ...*); дзекеди у подобним хаснованю пишу ше и заменовніки *Ти* и *Твой/Твоя/Твойо*;
- б) заменовніки *Ваш/Ваша/Вашо* у винїмно учтивих виразах (*Ваша екселенційо, Вашо велїчество, Ваша святосци*); то ше одноши и на учтиви вирази зоз заменовніками *Його* и *Їй* (*Його екселенция, Його святосц патриарх, Їй велїчество кралїца Британїи*);
- в) меновніки, заменовніки, та и прикметніки хтори вязани за божество у текстох зоз вирским змистом (*ангел Господні, Дух Божи, Його народзене, воля Твоя; Верим до єдиного Бога, Оца, Вседержителя*).

5.11.2. З малу букву пишу ше:

- а) заменовніки *ви* и *ваш* кед ше ословює векше число особох;
- б) титули и званя (*велїчество, екселенция, краль, кралїца, председатель, патриарх*).

Офарб кружок опрез точного одвиту.

Тот заменовнік ше пише зоз:

- малу букву кирилку вельку букву латинку





3. Пречитай виреченє и провер чи є правописно коректно написане.
Офарб кружок под погришно написаним словом.

Пречитал сом тоту кнішку.

-

4. Пречитай дате виреченє и обрац увагу на визначени слова.

Дриме **цихи єшеньски** вечар намочени з **дробнима** капками диджу, облапени до **ценкого** пасма молги и цмоти.

Офарб кружок опрез точного одвиту.
Визначени слова то:

- меновніки
 прикметніки
 присловніки

5. Пречитай виреченя и роздумай о їх составе.
Офарб кружок опрез виреченя у хторим єст найвецей предикати.

- Подскочела мала пчолка, затрепечела з криделками, вжала кошарочку и одлетла на широке польо.
 Гледала смолу у каждом куцику, ношела ю капочку по капочку до кошніци и лїпела з ню шицки дзири и найменши розпукнуца.
 Шицки пчоли ю барз почитовали и од любви ю наволали Пчолка Смолка.





6. Пречитай дати вирази и роздумай о значеню словох.

Плїтки танер.
Плїтки розум.
Плїтки кишенки.
Плїтке диханє.

Офарб крущок опрез точного одвиту.
Визначене слово и його значенє спада до:

- синонимох
- гомонимох
- антонимох

7. Пречитай шлїдуюци виривок, а потим одвитуй на питанє.

Кед наютро Петро жито кошел, кед рано до фриштик, Петро може кущик кошиц; кед до поладня, Петро так вистал, зруцел калап, ані ше му есц не сце. Горуцо му, вистал, па є гладни. А Христос ше му пита: - Но, цоже, Петре, добре кошиц? Яку же тому даме кару, цо на лежаци едол? А Петро Христови: - Не даме му, пане, нїяку, бо тот цо коши так вистанє, же други, цо не коши, та най му жува, а вон лєм най ліґа и най так одпочива!

(Записане у Керестуре од Юли Молнар, 1897. року.)

Текст хтори ши пречитал припада усней традициї чи уметнїцкей кнїжовносци?
Офарб крущок опрез точного одвиту.

- Тот текст припада усней традициї.
- Тот текст припада уметнїцкей кнїжовносци.

8. Пречитай шлїдуюци стихи и одредз хтора стилска фигура похаснована.

Задуй, витре, задуй буйни
по полю
и зогинай вельку билу
тополю.

Офарб крущок опрез точного одвиту.
Подцагнута стилска фигура вола ше:

- епитет
- ономатопея
- поровнанс
- метафора





9. Пречитай наведзени стихи и роздумай о тим хто их написал.

Ту, такой при шерцу,
притулену, скриту
за каждим коліком, за каждим хотаром,
чувам це чаривна водичко швецена
за каждим праніком, за каждим гамбаром.
Бачко, Бачко наша,
моря щезнутого габо позлацена,
зоз каждим швитаньом на моєй ши длані
писня виклашена.

Офарб крушок опрез точного одвиту.
Автор тих стихох:

- Дюра Папгаргаї
- Микола Шанта
- Юлиан Тамаш
- Любомир Сопка

10. На культурней події ши записал даскельо призначки зоз хторих маш написац кратку вистку за Фейсбук-бок твоей школи. Пречитай тоти призначки и напиш кратку вистку у хторей буду заступени шицки інформації о події.

1. 25.10.2023.
2. Руски Керестур, Дом култури
3. Проекції филмох
4. Фестивал европских филмох и Пакт Рутенорум, организаторе
5. Присутне вельо младих
6. Филми интересантни





11. Пречитай виреченє, та визначеним словом одредз значенє припадку.

По полудзенку Данил поєдол фалаток **торти** и попил погар жимного **соку**.

Офарб крущок опрез точного одвиту.

- партитивни генитив
- посесивни генитив
- квалитативни генитив

12. Пречитай дати слова и одредз у хторим зоз шорикох заступени лєм териториялни слова.

Офарб крущок опрез точного одвиту.

- чаварговац, ляпнуц, зафуляц
- требиконїна, жолти, пампушки
- синтетизация, дегидрация, имплементация

13. Пречитай дати слова и одредз у хторим зоз шорикох заступени лєм архаични слова.

Офарб крущок опрез точного одвиту.

- гаче, корназ, яловка
- лифлет, бинджовац, биткоин
- орсаг, птах, перун





14. Роздумай що значи вираз „спаднуц з ног”.
Офарб кружок опрез точного одвиту.

Вираз значи:

- буц вистати, та спаднуц
- зашпотац ше до власних ногох
- велька обуй спадує з ногох
- чувствовац вельку вистатосц

15. Пречитай наведзени виривок зоз приповедки *Агафия, старого попа дзивка* Г. Костельника.

Так Агафия у своїм плачу кеди-некеди нарикала, преставала и заш починала ознова.

А и мала прецо плакац, а не мала такей блізкей души, цо би ю могла поцешит. Агафия, 23-рочна дзивка, була єдинїца панотца Митра Поповича, гдовца уж од 12 рокох. У цалим валале не мала нікого од своєй родзини. Нови валал, зберанїна людзох зос койяких валалох на Горніци, а паноец бул зос такого валалу, одкаль ніхто вецей до Керестура не приселєл.

Кеди ше одвива подїя описана у тей приповедки?
Офарб кружок опрез точного одвиту.

- на початку 19. вику
- концом 20. вику
- штредком 19. вику
- штредком 18. вику

16. Здогадні ше характеристикох сонету и одредз хтора з понукнутих характеристикох ше не одноши на сонет.
Офарб кружок опрез точного одвиту.

Сонет не:

- писня хтора ма штернац стихи
- писня хтора подзелєна на два катрени и два терцини
- епско-лирска писня шлебодней форми
- писня хтора ма єднаке число складох у стиху





17. Пречитай дати виринок зоз тексту и роздумай о значеню подцагнутого слова у нїм.

Всуботу, 4. юния, першираз бул отримани Фестивал традицийних руских едлох под назву „Смаки традиції”. На желеней поверхносци коло Спортскей гали, представели ше переважно штанди зоз рижнима едлами, насампредз рускими, але и мадярскими и украинскими, а попри бесплатней дегустациї, вельо того могло и купиц.

На Фестивалу представена традиция руска кухня котру ше преноши з колена на колена, а нащивители мали нагоду попровадзиц и як ше пририхтуе дзепоедни едла. Попри тим, на исти способ свою кухню представели и национални меншини Украинцох и Мадярох зоз Кули.

Слово **смак** (смаки) у тим тексту похасноване з основним чи пренешеним значенюм?

Офарб кружок опрез точного одвиту.

Тото слово похасноване з:

- основним значенюм
- виведзеним значенюм
- пренешеним значенюм
- неясним значенюм

18. У словох ше могу окончавац дасдни з гласових пременкох. На линию напиш хтора гласова пременка окончена у датим прикладу.

млаток – млатку

Гласова пременка _____ .

19. Пречитай дате виречене и одредз якей є файти.

Шицки ше бавели, лем Марча шедзела на лавочки.

Офарб кружок опрез точного одвиту.

Тото виречене:

- способове
- роздзельне
- виключне
- заключне
- противне





20. Пречитай наведзени стихи, а потим дополні виречене.

Я Чарни,
Чарни як ноц цо чарна.
Чарни як найвекши глібини моєй Африки.

Бул сом раб:
Цезар ми допушел заметац його дражки.
А чухал сом и чижми Вашингтоново.

Бул сом ношач:
Под руками моїма росли пирамиди.
А мишал сом и малтер за будовні Вулсвортово.

Тота писня написана зоз файту стиха хтору воламе _____.



ПРАЗНИ БОК



ИНТЕРНО

ПРИКЛАДНИК ЗА ШКОЛУ

Република Србија
МИНИСТЕРСТВО ПРОСВИТИ
ЗАВОД ЗА ВРЕДНОВАЊЕ КВАЛИТЕТУ
ОБРАЗОВАЊА И ВОСПИТАЊА

ЗАЛІПНУЦ ИДЕНТИФИКАЦИЈНУ
НАЛІПКУ

ЗАКОНЧУЮЦИ ИСПИТ НА КОНЦУ ОСНОВНОГО ОБРАЗОВАЊА И ВОСПИТАЊА

ТЕСТ

РУСКИ ЯЗИК И КЊИЖОВНОСЦ

ИДЕНТИФИКАЦИЈНИ ФОРМУЛАР

МЕНО, МЕНО ЄДНОГО РОДИТЕЛЯ/ДРУГОГО ЗАКОНСКОГО ЗАСТУПЊИКА, ПРЕЗВИСКО ШКОЛЯРА

ИДЕНТИФИКАЦИЈНЕ ЧИСЛО ШКОЛЯРА

--	--	--	--	--	--	--	--	--	--

ОСНОВНА ШКОЛА _____

МЕСТО _____

ОПШТИНА _____

ПОДПИС ДЕЖУРНОГО НАСТАВЊИКА

